

ՊԱՆԴԻՏՏՈՒԹԵԱՆ ԽՆԴԻՐԸ ՀԱՅԱՍՏԱՆՈՒՄ (ԱՄԱՆԴՈՅԹ ԵՒ ԱՐԴԻԱԿԱՆՈՒԹԻՒՆ)

ՄԻՀՐԱՆ ԳԱԼՍՏԵԱՆ
akoenk@yahoo.com

Յետխորհրդային Հայաստանի առջև ծառայած կարևոր հիմնախնդիրներից է գանգուածային արտագաղթը՝ ընկերատնտեսական, էթնոօրոկրոդագրական եւ մշակութային հետեւանքներով: Պատմական հայրենիքը կորցրած եւ բռնագաղթ տեսած հայ ժողովրդի համար արտագաղթի երեւոյթը տագնապայարոյց է եւ մեր օրերում խոր ու համակարգային վերլուծութեան կարիք ունի: Օրէցօր աճող արտագնայ աշխատանքը՝ որպէս Հայաստանից արտագաղթի կարևոր գործօն, նոր երեւոյթ չէ. այն ուղեկցում է հայ ազգին իր պատմական զարգացման ողջ ընթացքում: Արտագնայ աշխատանքը ժամանակակից հայկական հասարակութիւնում ընդհանուր առմամբ արժեւորում է որպէս տնտեսական եւ ժողովրդագրական երեւոյթ, իսկ անհատի/ընտանիքի մակարդակով պատշաճ ուշադրութեան չեն արժանանում դրա էթնօմշակութային եւ ընկերային հետեւանքները:

Այս յօդուածում խնդիր է դրուած պարզել, թէ արտագնայ աշխատանքը ի՞նչ ազդեցութիւն է թողնում ներընտանեկան յարաբերութիւնների վրայ, տեղաշարժի հետեւանքով ընտանիքի երկատումը, ընտանիքի անդամների սահմանի տարբեր կողմերում յայտնուելը որքանով են բարձրացնում ամուսնալուծման վտանգը: Անհրաժեշտ է նաեւ պարզել, թէ արտագնայ աշխատանքի մեկնողների մօտ ի՞նչ առանձնայատկութիւններ ունեն ընտանիքի ձեւաւորման կենսափուլերը, եւ դրանք ի՞նչ ազդեցութիւն են թողնում ընտանիքի կայունութեան վրայ: Ուստի այդ տեսանկիւնից ՀՀի համար արդիական է աշխատանք գտնելու հետեւանքով առաջ եկած այդ իրողութիւնների ուսումնասիրութիւնը, իսկ յետագայ կարգաւորման առումով՝ տեսական ու գործնական նոր մօտեցումների մշակումը:

Յօդուածի նպատակն է քացայայտել ընտանիքի վրայ արտագնայ աշխատանքի թողած էթնօմշակութային եւ ընկերային ազդեցութիւնը նախախորհրդային, խորհրդային եւ յետխորհրդային ժամանակաշրջանների լայն համեմատական ենթախորքում:

ՊԱՆԴԻՏՏՈՒԹԻՒՆԸ ԵՒ ԸՆՏԱՆԻՔԻ ՀԻՄՆԱԽՆԴԻՐՆԵՐԸ ՆԱԽԱՆՈՐՀՐԴԱՅԻՆ ՇՐՋԱՆՈՒՄ

Ընտանիքի վրայ պանդխտութեան² թողած ընկերային հետեւանքների խնդիրը հայ իրականութեան մէջ պատմական առումով ունեցել է իր առանձնայատուկ դրսեւորումները: Պանդխտութեան թեման լայն քննարկման առարկայ է եղել դեռեւս ԺԹ. դարում: Այն արտացոլուել է հայ միջնադարեան գրականութիւնում, մամուլում եւ ազգագրագէտների հաւաքած նիւթերում: Միջայլէ՛ Նալբանդեանը, դեռեւս իր ժամանակին անդրադառնալով արտագնացութիւն ծնող պատճառներին, նշում էր. «Աղբալութիւնը

ստիպում է նորան թողնելու իր տունը, իր ընտանիքը, իր ամուսինը, իր զառակները եւ գնալ Պոլիս կամ այլ քաղաք աղքատությունից ազատելու համար: Բայց այդ տեղում եւս նորան հանդէպ է դուրս գալիս էապէս նոյն աղքատութիւնը, գուցէ մի փոքր քաղաքային ամոք կերպարներով»⁸:

1890ականներին պանդխտութիւնը ընդունեց մեծ չափեր: «Արտագնայ զբաղմունքը,- գրում է Երեւանի նահանգապետը,- փարէցփարի ընդունում էր անլի ու անլի նշանակալի չափեր: 1898 թուականին ... քաղաքներից (Թիֆլիս, Բաքու, Բաթում եւ այլն) աշխատանքի է մեկնել 2000 մարդ»⁹:

Պանդխտութեան չափերը մեծ էին նաեւ Օսմանեան Թուրքիայի տիրապետութեան ներքոյ գտնուող Արեւմտեան Հայաստանում: Ըստ Ա. Յովհաննիսեանի բերած ոչ-լրիւ տուեալների, 26 տարուայ ընթացքում նրանց թիւն այստեղ աճել էր մօտաւորապէս չորս անգամ¹⁰: Եթէ 1860ականներին այն կազմում էր 15,000 մարդ, ապա 1886ին միայն 4. Պոլսում պանդուխտների թիւը հասաւ 50-60,000ի: Միայն 1878ին պանդխտութեան է դիմել Վանի գաւառից 3800, Մուշի գաւառից՝ 1700, Սղերդի գաւառից՝ 5000, Քըղիի գաւառից՝ 300, Բիթլիսի գաւառից՝ 2800, Քեմախի գաւառից՝ 2000, Դերջանի գաւառից՝ 1000 մարդ¹¹: Այդ թուականներին, ըստ Բաֆֆու, պանդուխտների թիւը Պոլսում հասնում էր 45,000ի¹²:

Մշակ, Արծազանգ պարբերականների էջերից տեղեկանում ենք, որ իւրաքանչիւր ընտանիք ուներ մէկ-երկու եւ նոյնիսկ չորս-հինգ պանդուխտ: Մուշի Խաս գիւղից (250 տուն) արտագնացութեան էր մեկնել 300-400 մարդ, Նորաշենից (200 տուն)՝ 300 մարդ եւն.¹³: Նրանք հիմնականում մեկնում էին Կ.Պոլիս, որտեղ զբաղում էին ջրկիրութեամբ, բեռնակրութեամբ: Բացի Կ.Պոլսից, աշխատում էին նաեւ Սիրիայի մահողի ձեռնարկութիւններում, Կեսարիայի կտաւագործական արհեստանոցներում, Ատանայի բամբակի ցանքերում: Ծանր էին նրանց ինչպէս աշխատանքային, այնպէս էլ կեանքի պայմանները: Պանդուխտները գիշերում էին հրապարակներում եւ կեղտոտ իջեանատներում: Այդ բոլորի հետեանքով, յաճախ նրանց կեանքն ընդհատում էր օտար վայրում: Այսպէս, Երուանդ Լալայեանը, բնութագրելով վանեցիներին, նշում է. «Վանեցու մի իւրախարկութիւնն էլ այն է, որ ազույնցու նման սիրում է գաղթել, ընտանիքը Վանում գրեթէ անխնամ թողած նա երկար փարիներ դեգերում է Պոլիս, Տրապիզոն, Ամերիկա, Թիֆլիս, Բաքու եւ աշխարհի բոլոր կողմերը»¹⁴: Իսկ Մկրտիչ Փորթուգալեանի տուեալներով՝ միայն Պոլսում վանեցի պանդուխտների թիւն այդ շրջանում մօտ 20,000 էր: Ըստ նոյն աղբիւրի՝ միայն Պոլսում մութ ու խոնաւ նկուղներում մեռնող պանդուխտների թիւը հասնում էր 1700ի¹⁵:

ԺԹ. դարի ազգագրական նիւթերում պանդխտութեան մեկնելու նախապատրաստութեան սովորոյթի, ընտանիքի նկատմամբ պանդուխտի նուիրական ծեսի եւ հրաժեշտի մասին բազմաթիւ տեղեկութիւններ են պահպանուել: Ըստ այդ սովորոյթի՝ մեկնելուց առաջ պանդխտութեան

զնացողը համաձայնություն ստանալու նպատակով այդ որոշման մասին յայտնում էր տան մեծին, իսկ յետոյ խնդրում էր մօրը, որ ճանապարհի համար ծիսական կերակուր եւ տաք հագուստներ պատրաստի. «*Մայրիկ, կարաանի ծին վարձեցի, երեք օրէն ճամկայ պիտի ելնենք, ընկերներս լաւ մարդիկ են, թերեւս աստծոյ փնօրինությունն է, որ մենք ուրախ սրբով պատրաւ մը հաց պիտի չուրենք... ուստի քանի մը հաց, բաղարջ թխե, քանի մը գունդ փոխինդ շաղէ, քանի մը կրոր պանիր, քանի մը հար ծուկ-մուկ, ալ դուք գիտէք, հալուաներ, հագուստներ երեսուն օրոյա ճամփայ է»¹¹: Մեկնելուց առաջ պանդուխտը այցելում է իր այգին, պարտէզը. մաղթում եւ աղերսում է՝ շատ բարիք տալ, որ իր երեխաները կարօտ չմնան, զան քաղեն ու մոռանան հայր կորցնելու վիշտը¹²: Այնուհետեւ համբուրում էր ծնողի ձեռքը, խնդրում մօր օրինությունը եւ նոր միայն ուղեւորում «աւետեաց երկիր», իսկ կարաանի ծիները, զանգակների դօղանջները կտրում են հարազատների յոյսի վերջին թելը¹³: Պանդխտութեան մեկնողն էլ, հայրենիքում մնացողն էլ գիտակցում էին, որ օտարութեան մէջ անելի վատթար վիճակ է սպասում պանդուխտին, որ նա կամ չի վերադառնալու, կամ էլ եթէ վերադառնայ՝ հիծուած է, աշխատանքի համար ոչ-պիտանի: Հարազատները, հրաժեշտի, կարօտի, տառապանքի, հիանդութեան, սպասումների հետ կապուած, պանդուխտին նուիրում «ղարիբի» եւ «անտունի» թեմայով բանատր երգեր էին հիսում պանդուխտի ճակատագրի վերաբերեալ տխրութիւն եւ տագնապ արտայայտելով¹⁴:*

*Ղարիբը պտուկն ա, անճար կը տեսայ,
Հէր ու մէր չի կայ, որ հոգը հոգայ,*

*Մէր չունի, որ տեղը գցի վերցնէ,
Քիր չունի բարձի էրսը դարձնէ,
Եար էլ չունի հալը, խաթըը հարցնէ:
Վայ էն մօրը, որ ղարիբին բերել ա,
Գշերը ծիծ ա տուել, ցերեկը ըրօրել ա,
Ղարիբը երկիրտ երկիր կորել ա,*

*Քարերը ետրդան են, ֆողը դռչակ,
Բարձ ու բալիշ չունի նա իր գլխի տակ:*

*Ինքը իրա ճամկէն լափ մուրթել ա,
Տարը տարիլի կայ հեռացել է, կորել,
Օտար երկրներ ա ընկել, կորել,
Ընչանք չմտնէի, ետրս տեսնէի,
Վարթ ու ռեհանի պէս մօտը բանէի»¹⁵:*

Պանդխտութեան մեկնողը մեծ ակնկալիք ուներ, որ կը կարողանայ փող վաստակել, ընտանիքի հոգսերը հոգալ, եւ այդ պատճառը նոյնպէս արտացոլում է պանդխտութեան երգերում.

*Էրթամ Ըսփամբույ,
Ղարիմ փարա բու,*

*Իմ եարի համար,
Առենմ ջուխար մը տղի՞:*

Այս ժամանակաշրջանի վերաբերեալ ազգագրագէտների հաաքած դաշտային նիւթերի ուսումնասիրութիւնից պարզում է, որ պանդխտութիւնը բացասական բարոյահոգեբանական ազդեցութիւն ունեցաւ ընտանիքի եւ ներընտանեկան յարաբերութիւնների վրայ: Համշէնցի հայերի կեանքում, բարոյականութեան մէջ, վարք ու բարքում հետզհետէ տեղի ունեցած փոփոխութիւնների պատճառը նոյնպէս Երուանդ Լալայեանը պայմանա-

տրում է Կովկաս պանդխտելու հանգամանքով. «Հայրենական պարզ ու նահապետական կեանքի հեծր փեղ-փեղ նկատում է նրանց մէջ ապակա-նութիւն, անբարոյականութիւն, մանաւանդ Չերնոմորի վիճակում, ուր շրջապատող ռուս կազակ զիւղացիների ընտանեկան յայտնի բարբերի ապականութեան շրջանում նահապետական հայը կորցնում է իր բարբե-րի վաղեմի մաքրութիւնը»¹⁷:

Ընտանիքի համար առանձնապէս ծանր հետեւանքներ էին ունենում սեռավարակային հիւանդութիւնները. «Եւ ահա չանցած մի քանի ամիս՝ վերադառնում է նա տուն՝ դեղնած, նիհարած եւ զանազան վարակիչ հի-ւանդութիւններով ծանրաբեռնուած, ահա նրա բերածը քաղցած ծնողների եւ մերկ գառակների համար»¹⁸: Մշակ թերթի մէկ այլ համարից տեղե-կանում ենք, որ Հին Նախիջեւանի գառառի Կովիբեկիդազ գիւղն ունէր 40 տուն, բոլորն էլ աղքատ, այդ իսկ պատճառով նրանցից իւրաքանչիւրը Ռուսաստանի քաղաքներում ունէր մէկ կամ երկու պանդուխտ. «Երբ ծնե-ողը վրայ է հասնում, եւ երբ խղճուկ գեղջկուհին ամէն բան պատրաստում վերջացնում է, այդ ժամանակ պանդխտութիւնից վերադառնում է նրա կամ ամուսինը, կամ որդին եւ շար անգամ ամբողջ ծնեող հարբեցողու-թեամբ եւ թղթախաղով անցկացնելուց յետոյ՝ գարնանը նորից շրջապում է իր սիրած պանդխտավայր: Կան նաեւ այնպիսիները, որ տարիներով չեն վերադառնում, կարծես նրանց յիշողութեան մէջ մտնում է տուն-փեղ, կին, երեխայ: Բարեբախտաբար, այդպիսիների թիւը սակաւ է»¹⁹: Նալբանդեանը, անդրադառնալով այդ խնդրին, որպէս պանդխտութեան պատճառ համարում է սխալ եւ վնասակար այն ասանդոյթը, որը հայ ընտանիքում ժառանգաբար փոխանցում է հորից որդուն: Ըստ նրա՝ 10-20 տարի կտրուելով ընտանիքից, նրանց կեանքը երբեմն ընդհատում է օտարու-թեան մէջ՝ ընտանիքը թողնելով ծայրայեղ թշուառ վիճակում, կամ վերա-դառնում է ուժասպառ եւ տարիքն առած՝ համալրելով ընտանիքի աղքատ անդամների թիւը: Բայց այս բոլորը դաս չի լինում նրա որդու համար, որը չափահաս դառնալուց յետոյ բռնում է Պոլիս, Տրապիզոն տանող պանդխ-տութեան ճանապարհը: Միքանի տարի անց լուր է ստանում, որ իր ծերու-նի հայրը, ապա եւ մայրը վախճանուել են. «Լաց, պանդուխտ, բնական զգացողութեամբ չես կարող լաց չլինել, բայց ոչ որ մեղաւոր չէ, բացի թո հորից, բացի քեզանից, բացի այն սխալ եւ վնասակար ասանդութիւնից, որ քեզ այդ օրը ձգեց»²⁰: Այս բոլորի փրկութիւնը Նալբանդեանը տեսնում է նախկին վիճակին՝ հողագործութեամբ եւ երկրագործութեամբ զբաղուելու վերադառնալու մէջ²¹: Գարեգին Սրուանձտեանցն իրաւամբ նշում է, որ Նոր Տարուայ տօնին մշեցին չի կարողանում ուրախանալ, քանի որ ըն-տանիքի երիտասարդը պանդխտութեան մէջ է, իսկ մայրը եւ դեռահաս կինը ծանր հոգեվիճակում են. «Ի՞նչ կեանք է, որ վարում ենք հայերս, ա-մուսնացողը իւր ամուսնուց զուրկ, որդին իր ծնողքէն, եղբայրն իր քոյրե-րէն փարագիր, իբր թէ հոս շահ չունինք կը դիմենք ի Պոլիս եւ ուրիշ քա-

դրանքն չարաչար կը ծառայենք, եւ այն տեղերն ալ կերպ ախտից կը մարտիկնք, վաստակածներս կը փչանայ, կեանքը կ'ոչնչանայ»²²:

Ըստ Լալայեանի վկայութեան՝ Վարանդայի գաւառի համար պանդիտութիւնն ունեցել է բարոյահոգեբանական լուրջ հետեւանքներ. «Նախ՝ պանդիտութիւնը, որը սաստիկ տարածուած է գաւառի բնակչութեան մէջ: Գլխատրապէս պանդիտում են Բաքու, Ղազախ, Պեղորովսկ եւ անդրկովկասեան երկրներ: Վարանդացուն տակաւին նոր ծանօթ այդ երկրները, մանաւանդ Բաքուն իր նախահորերով, գրաւել եւ գերել է իրեն: Օտար երկրների հարստութիւնից շագած վարանդացին ծախում է իր եզն ու գոմէջը, այգին ու արփը եւ դիմում հարստութեան ու ախտերի բոյները: Տարիներով նա քայքայում է այնպեղ՝ երեսի վրայ թողնելով ցաւեղ կնոջն ու երեխաներին: Նա գրաւում է օտար աշխարհի զեխ կեանքով, ընկնում այդ հոսանքի մէջ եւ վերջ ի վերջոյ կամ կուլ է գնում, կամ թէ չոր կմախք դարձած ու զանազան ախտերով վարակուած փուն դառնում»²³: Այդ պայմաններում կինը տարիներով սպասում է իր ամուսնուն եւ չի ուզում դաւաճանել նրան, որի հետ կապել է իր բախտը, պատիւն ու կեանքը. «Ասկայն բնութեան այս թոյլ արարածը երկար չի կարողանում դիմանալ: Շարունակ լուրեր է լսում, իբր թէ իր ամուսինը օտար կին է պահում եւ մտադիր չէ փուն վերադառնալ կամ թէ թղթախաղով եւ հարբեցողութեամբ կեպնում է իր վերջին կուպէկը: Այս տեսակ աննպաստ լուրերը, ամուսնու անփարբերութիւնը իդէպի ընթանիքը, քաղցը եւ վերջապէս կրքերը դուրս են հանում կնոջը իր առագաստից եւ ձգում փողոց»²⁴:

Պանդիտները, աշխատելով խոշոր քաղաքներում, գիւղական կենցաղ էին ներմուծում քաղաքային մշակոյթի մի շարք տարրեր. դրանք առաջին հերթին դրսետրուում էին տան յարդարանքում, հագուստում, ազատ ժամանակի կազմակերպման ձեւերում: Արտագնացութեան հետեւանքով գիւղերում սկսեցին կառուցել քաղաքային տիպի լուսատր եւ բարձր տներ: Բազմազգ ընկերութիւններում նրանց շփումները տարբեր ազգութիւնների մարդկանց հետ նպաստեցին նրանց հասարակական-քաղաքական հայեացքների ձեւաւորմանը, արժեքային համակարգի փոփոխութեանը. «Գերդաստանի անդամներից մի քանիսը գաղթում են քաղաքներում աշխատելու,- գրում է Լալայեանը,- ընդունում են այնպեղի գաղափարներն ու սովորոյթները: Իրենց վաստակը ամբողջովին փրան մեծին չեն ուղարկում, շար անգամ ցանկանում են կնոջն իրենց մօտ փրանել, իրենց երեխային ուսման փալ...»²⁵: Ըստ Լալայեանի՝ պանդիտութիւնը ազդում էր նաեւ նրանց կենցաղամշակութային ոլորտի վրայ: Այդ առումով նա բերում է Ալաստան գիտի (Ջաւախքի պատմաագագագրական շրջան) բնակիչների օրինակը. «Ալաստանի բնակիչները մինչեւ վերջին ժամանակներս գնում են 4. Պոլիս աշխատելու եւ այս պատճառով միտ գիւղացիներից աւելի զարգացած եւ կրթուած են: Տները փայլում են վերին աստիճանի մաքրութեամբ»²⁶: Ըստ Լալայեանի՝ պանդիտութիւնը նպաստեց նաեւ նահապե-

տական գերդաստանի քայքայմանը եւ առանձին փոքր ընտանիքների ձե-
ատրմանը: Մեկնելով մեծ ու բազմամարդ քաղաքներ, տեսնելով այնտե-
ղի նիստովացը, ծնողների հետ քաղաքի երիտասարդների ազատ վերա-
բերմունքը՝ «պանդուխտ գաւառեցին եւս նոյն համարձակութիւնը կ'ուզէ
մ'պցնել իր դռնից ներս, կը փեսնէ, որ քաղաքացին հարուստ է, իր աշխա-
փած գումարների մեծ մասը կը ծածկէ ծնողներից՝ առանձին դրամագլուխ
շահեցնելու համար»²⁷:

ԱՐՏԱԳՆԱՅ ԱՇԽԱՏԱՆՔԸ ԵՒ ԸՆՏԱՆԻՔԻ ՀԻՄՆԱԽՆԴԻՐՆԵՐԸ ԽՈՐՀՐԴԱՅԻՆ ՇՐՋԱՆՈՒՄ

Հայաստանում 1920ին խորհրդային կարգերի հաստատումը, տնտե-
սական եւ հասարակական-քաղաքական յարաբերութիւններում տեղի ու-
նեցած փոփոխութիւններն իրենց ազդեցութիւնը թողեցին բնակչութեան
տեղաշարժերի բնոյթի, բովանդակութեան, դրսեւորման ձեւերի եւ մի-
տումների վրայ: Խորհրդային Միութեան կազմում ընդգրկուելուց յետոյ
Նրա բնակչութեան արտաքին աշխատանքային տեղաշարժերի պատմու-
թիւնը դարձաւ խորհրդային ժողովրդի պատմութեան մի մասը: Փոխուեց
նաեւ Հայաստանի բնակչութեան արտաքին աշխատանքային տեղաշար-
ժերի ուղղութիւնը. հիմնականում մեկնում էին խորհրդային հանրապետու-
թիւններ²⁸: Գործազրկութեան պատճառով Հայաստանի բոլոր շրջաննե-
րից, ոչ-լրիւ տունալներով, 1925ին արտագնացութեան է մեկնել 23,658
մարդ²⁹: Արտագնացութեան թափը շարունակում է բարձր մնալ լեռնային
եւ նախալեռնային շրջաններում: Ծայրայեղ սակաւահողութեան պատճա-
ռով Նրանք կրկին մեկնում էին արդիւնաբերական կենտրոններ՝ աշխա-
տանք փնտռելու³⁰: Արտագնացութեան թափը մեծ էր Հայաստանում նաեւ
1926ին՝ մօտաւորապէս 65,000 մարդ, որից 30,000ն այդ տարի արտագ-
նացութեան էր մեկնել, մեծ մասամբ Բաքու եւ Թիֆլիս³¹: Այդպիսի հոսքե-
րի պայմաններում հաւաքական տնտեսութեան ղեկավար մարմինները
ծեռնարկում էին մի շարք արհեստական միջոցառումներ՝ Նրանց տեղա-
շարժերը սահմանափակելու համար: Մասնաւորապէս, Նրանք արտագ-
նացներին հեռացնում էին հաւաքական տնտեսութիւնից, անասուններին
չէին թողնում արօտավայրերը, Նրանց ընտանիքի անդամներին չէին ըն-
դունում հաւաքական տնտեսութեան մէջ, արտագնացներին համարում
էին դասալիքներ են.³²: Այդ խնդիրը լուծելու նպատակով կառավարութիւ-
նը գաղթի գործընթացների ղեկավարման համար կիրառեց վարչական
մօտեցում՝ արտագնացների շրջանում իրականացնելով կազմակերպուած
ծեսով որակեալ անձնակազմի անդամի հաւաքագրում: Իհարկէ, այդ ըն-
թացքում չէր բացառոււմ նաեւ արտագնացութեան տարերային ձեւը: Դրա
համար ԽՍՀՄ Կենտգործկոմը եւ Ժողտնտխորհը 1930ին ընդունում են
«Արտագնայ Արհեստների Եւ Սեզոնային Աշխատանքների Արգելքների
Վերացման Գիտաշինների Ազատ Տեղաշարժերի Մասին» որոշումը, որով

նախատեսում էին արտագնացների նկատմամբ արհեստական արգելքների վերացում եւ ազատ արտագնացության պայմանների ստեղծում³³: Անշուշտ, այդ որոշումները մեծ խթան հանդիսացան զանգուածային արտագնացության համար եւ յանգեցրին գիղից քաղաք բնակչության գաղթի չափերի անելացմանը. «Արտագնացության վերաբերեալ կառավարութեան այդ կարեւոր որոշումը,- գրում է Եւրօի Յարութիւնեանը,- նշանակալի ազդեցութիւն ունեցաւ գիղից քաղաք կաւարտող զանգուածային փեղաշարժերի համար»³⁴:

Հայրենական մեծ պատերազմի պատճառով, բնականաբար, արտագնացութեան գործընթացն ընդհատուեց: Այն Հայաստանում հետզհետէ աշխուժացաւ: 1950-60ականներին՝ կապուած պատերազմից յետոյ երկրի ժողովրդական տնտեսութեան վերականգնման, ինչպէս նաեւ Ղազախստանի, Սիպիրի, Ուրալի, Պոլոժիէի շրջանների եւ, մասնատրապէս, Հիւսիսային Կովկասի շրջաններում խամ ու խոպան հողերի իւրացման հետ, որին աշխուժ մասնակցութիւն ցուցաբերեց խորհրդային որջ ժողովուրդը: Այդ նպատակով ՍՍՀՄ նախարարների խորհուրդը եւ ՍՄԿԿ Կենտկոմը խնդիր դրեց վերը նշուած շրջաններում խամ ու խոպան հողերի իւրացման հաշուին 1954-55ին հացահատիկային մշակաբոյսերի ցանքերի ընդլայնման միջոցով անելացնել հացահատիկի արտադրութիւնը: Դրա իրականացման համար կուսակցական, կոմերիտական, արհմիութենական կազմակերպութիւնները պարտաւոր էին գիղական մեքենագէտներին, մասնագէտներին եւ գիւղատնտեսական ղեկավար անձնակազմի անդամների շրջանում բացատրական աշխատանքներ տանել կամատրոնների թիւն անելացնելու նպատակով³⁵: Այդ գործընթացից անմասն չմնաց նաեւ Հայաստանը, որտեղից կազմակերպուած հաւաքների միջոցով մի շարք որակեալ մեքենագէտներ եւ մասնագէտներ մեկնեցին աշխատելու: Այն, արտագնացութեան զարգացման նոր փուլ էր նշանատրում, որի համար պետութիւնը կիրառեց գաղթի կառավարման վարչահիւսմայական մօտեցում՝ ընդհուպ որոշ ընտանիքների վերաբնակեցում այդ շրջաններում: Այդ մօտեցումը յանգեցրեց եղանակային արտագնայ աշխատանքի չափերի ընդլայնման: Սակայն դրա հետեւանքով յատկապէս Սիպիրում եւ Ղազախստանում թոյլ տրուեցին մի շարք խախտումներ աշխատավարձի եւ աշխատանքի ընդունման գործող կարգի վերաբերեալ, որը պատճառ դարձաւ նախկին որոշումների վերանայման: Այդ իսկ պատճառով ԽՍՀՄ նախարարների խորհուրդը, անդրադառնալով դրան, 1973 Յունիսի 19ին ընդունեց «Կոլտնտեսականների Սեզոնային Աշխատանքի Մեկնելու Կարգի Մասին» որոշումը՝ յանձնարարելով հանրապետութիւնների նախարարների խորհուրդներին, երկրամասային եւ շրջանային գործադիր կոմիտեներին խիստ հսկողութիւն սահմանել արտագնացութեան վերաբերեալ գոյութիւն ունեցող որոշումների իրագործման նկատմամբ³⁶: Այդուհանդերձ, խորհրդային կառավարութիւնը նման որոշումներով չկա-

րողացաւ կարգատրել այդ գործընթացը, քանի որ տարեցտարի ընդլայն-
 տւում էին արտագնացութեան չափերը, որին մասնակցում էին տարբեր ազ-
 գութիւնների պատկանող մարդիկ: Ըստ ՀԽՍՀ Կենտրոնական Վիճա-
 կագրական Վարչութեան տուեալների՝ 1983ի դրութեամբ 3,218,400 քնա-
 կիչ ունեցող Հայաստանից գաղթողների թիւը եղել է 24,931 մարդ, կամ
 գաղթողների տեսակարար կշիռը Հայաստանի բնակչութեան ընդհանուր
 քանակի մեջ կազմում էր 0.8%³⁷: Այդ փուլում արտագնացութեան թողած
 ազդեցութիւնն ակնյայտօրէն դրսևորում էր ընտանիքի, դրա կառուց-
 ուածքի եւ ներընտանեկան յարաբերութիւնների վրայ: Արտագնացութեան
 հետեանքով տան գլխատրի տեսական բացակայութիւնը եւ տարուայ ըն-
 թացքում ամուսինների ընդամենը երեք-չորս ամսուայ համատեղ կեանքն
 իրենց բացասական ազդեցութիւնն էին թողնում ընտանիքի ընկերահոգե-
 բանական մթնոլորտի վրայ եւ դառնում լուրջ գործօն՝ ընտանիքի հիմքերի
 ամրութեան քայքայման: Բնակչութեան շրջանում հետզհետէ աճում էր ա-
 մուսնալուծութիւնների եւ անկայուն ընտանիքների թիւը: Այսպէս, 1984ի Ե-
 րեանի եւ Գիւմրու, իսկ 1984-86ին Տաշիրի եւ Գաւառի ժողդատարան-
 ներից վերցրած ապահարգանքների փաստաթղթերից պարզ է դառնում,
 որ ամուսնալուծութիւնների որոշ մասը կապուած էր աշխատանքային
 գաղթի հետ: Այդ առումով նրանք յաճախ են նշել հետեւեալ պատճառներ
 կը.- առաջին՝ «ամուսինը այնտեղ (խոպանում – Մ.Գ.) նոր ընտանիք է
 կազմել, ուզում է բաժանուել, որ ծնակերպի նոր ամուսնութիւնը», երկ-
 րորդ՝ «կիւնը» (ռուս) չի համակերպուել տեղի պայմաններին, վերադարձել
 է հարազատ վայր»: Նման գործերը ամբողջ ամուսնալուծութիւնների թում
 Երեան քաղաքում կազմել էին 1.5%, Գիւմրիում՝ 18.8%, Գաւառում՝ 8.5%:
 Ամուսնալուծութիւնները առաել տարածուած էին երիտասարդ (18-29)
 տարիքային խմբում՝ պայմանաւորուած նաեւ ընտանիքի կազմաւորման
 փուլում նրանց տեսական բացակայութեամբ: Միջին եւ աւագ տարիքի
 արտագնացները այդ քայլին են դիմել երեխաների չափահաս դառնալուց
 յետոյ: Բախուելով այդ երեւոյթի հետ՝ արտագնացների ընտանիքի ան-
 դամները յաճախ էին տալիս հետեւեալ պատասխանները. «Հաւանութիւն
 չեմ տրալիս արտագնացութեանը, քանի որ նա ինչպէս երկրասարդ ըն-
 տանիքների, այնպէս էլ երեխաների դաստիարակութեան գործում յան-
 գեցնում է մի շարք բացասական հետեւանքների» (կին, 40 տ., գ. Երա-
 նոս)³⁸: «Երեւոյթն ունի վաւր կողմեր: Տեղում աշխատանքի բացակայու-
 թեան եւ ցածր աշխատավարձի պատճառով ստիպուած երկար ժամանակ
 կտրում ենք ընտանիքից, որը շատ դէպքերում բացասաբար է անդրա-
 դառնում ներընտանեկան յարաբերութիւնների վրայ» (տղամարդ, 51 տ.,
 գ. Վարդենիկ)³⁹:

Հայաստանի տարբեր շրջաններում այդպիսի վարքագիծ ունեցող ար-
 տագնացների մասին ստեղծում էին կատակերգեր, որոնք կատարում
 էին հարսանիքների եւ այլ միջոցառումների ժամանակ: Բերենք մի օրի-

նակ, որը լայն տարածում էր գտել Գեղարքունիքի մարզում.

<i>Առ կալոշիս թայը, պախա քեզի յիշարակ, Գարուն եկա, խոպանա կ'երթամ, Կարողա ի գամ, կարողա չի գամ, Եղսօ ջան: Գացի խոպան մէկ խափ էր, Էկա փեսայ՝ երկու խափ էր, Էս ինչ ես արել, փափախ ես արել,</i>	<i>Փափախ ես արել, Եղսօ ջան: Երբ որ ճմեր ջրչնան, Կարողա ընծի չճանչնան, Կալոշիս թայը ցոյց կը փաս, Նրանք ինծի կը ճանչնան⁶⁰:</i>
--	---

Այս կատակերգը, որը իւրօրինակ երկխօսութիւն է ամուսինների միջեւ, վկայում է նման ընտանիքներում տիրող ընկերաբարոյական մթնոլորտի մասին:

Արտագնացի երկարատեւ բացակայութեան ընթացքում ընտանիքի ամբողջ հոգսը մի կողմից էլ ընկնում էր կնոջ ուսերին՝ միաժամանակ մտահոգութիւլով նաեւ ամուսնու ճակատագրով եւ առողջական վիճակով: Նիւթերի վերլուծութիւնից պարզում է, որ արտագնացութիւնը բացասաբար է անդրադառնում նաեւ երեխաների դաստիարակութեան գործի վրայ: Ինչպէս յայտնի է, երեխայի ընկերային զարգացումը ծնողներից պահանջում է հսկայական ֆիզիկական եւ բարոյական ուժեր: Ճիշտ է, դրան նպաստում էին նաեւ գիւղական բնակչութեան շրջանում դեռեւս պահպանուող դաստիարակութեան աւանդական համակարգը եւ ազգակիցների աջակցութիւնը, սակայն ընտանիքից արտագնացի բացակայութիւնը, ինչպէս նաեւ մօր համար ազատ ժամանակի պակասն իրենց հետքն էին թողնում երեխաների դաստիարակութեան կազմակերպման խնդրի վրայ: Երեխաները, յաճախ դուրս մնալով ծնողների անմիջական հսկողութիւնից, ճիշտ չէին դասաւորում կեանքի յետագայ ընթացքը. «Խորհրդային շրջանում մինչեւ 7րդ դասարանը դպրոցում ես լաւ էի սովորում, բայց երբ հայրս մեկնեց Ռուսաստան արտագնայ աշխատանքի, իսկ մայրս հեթափոխով աշխատում էր գործարանում, սկսեցի դասերին ուշադրութիւն չդարձնել եւ յաճախակի բացակայել: Ութերորդ դասարանը մի կերպ ասարփելուց յետոյ դպրոցից դուրս եկայ եւ ընդունուեցի արհեստագործական ուսումնարան: Հիմա շափ եմ ափսոսում, եթէ ծնողներս ինձ հեծելէին ես էլ մեր դասարանի փղաների նման բարձրագոյն կրթութիւն կը ստանայի» (տղամարդ, 52 տ., գ. Լիճք)⁶¹:

Տարբեր շրջանների դպրոցների տնօրէնների հետ անցկացուած հարցումներից պարզուել է, որ բարձր դասարանցիների որոշ մասը, յաճախ լքելով դասերը, հարազատների կամ ծնողների հետ մեկնում է արտագնացութեան, իսկ նրանց որոշ մասն էլ դպրոցն աւարտելուց յետոյ ընդհանրապէս բռնում է արտագնացութեան ճանապարհը: Երեխաների խաթարուած դաստիարակութեանն է վերաբերում Շիրակի ազգագրական մարզում գրի առնուած հետեւեալ կատակերգը.


<i>Որոշեցինք գնալ խոպան Ես այնտեղ, կինս՝ այստեղ,</i>	<i>Երեխաները մնացին մէջտեղ, Ոչ բարով գնացինք խոպան⁶²:</i>
--	--

Խորհրդային շրջանում արտագնացության թողած բացասական հետևանքներից էին նաեւ մի շարք հիանդութիւնների ձեռքբերումը: Դրա վերաբերեալ Մ. Շաբանովան նշում է «... հարցազրույցների միայն 5%ն է, որ աշխատանքից յետոյ յոգնածութիւն չի զգացել, 18%ը քիչ է յոգնել, մեծ մասը իր յոգնածութիւնը գնահատել է շարժ բարձր կամ սահմանային (54%), 23%ը նոյնիսկ ընթրել չի կարողացել»⁴³: Բացի գերյոգնածութիւնից բժիշկների վկայութեամբ իւրաքանչիւր 6 արտագնացը տառապում էր կամ պարանոցի, կամ ստամոքսի ցսւերով, կամ յօդացսւերով: Տարածուած էին նաեւ այլ հիւանդութիւններ, որոնք յաճախ ճակատագրական են դառնում ընտանիքի համար⁴⁴:

ԱՐՏԱԳՆԱՑՈՒԹԵԱՆ ԵՒ ԸՆՏԱՆԻՔԻ ՀԻՄՆԱԽՆԴԻՐՆԵՐԸ ՅԵՏԻՈՐՀՐԴԱՅԻՆ ՇՐՋԱՆՈՒՄ

Յետխորհրդային շրջանում Հայաստանի բնակչութեան տեղաշարժերը կրեց զանգուածային բնոյթ. մասնակիցների թիւը տարբեր տարիների ցուցանիշներով տարեկան միջին հաշուով կազմում է 40-50,000 մարդ⁴⁵: Ըստ տարիքային կազմի՝ նրանց 39.7%ը պատկանում է 30-49, 32.7%ը՝ 50 եւ բարձր, իսկ 27.6%ը՝ 18-29 տարիքային խմբերին (զաճապատկեր 1): Այսինքն՝ նրանց 60.3%ը գործունեայ աշխատունակ տարիքում է, եւ այդ աշխատուժն իրացում է ՀՀ-ից դուրս: Հետազօտութեան արդիւնքներից պարզում է, որ 95.4% ընտանիքներում աշխատանքային զաղթի մասնակցում են տղամարդիկ, իսկ 4.6% տնտեսութիւններում՝ կանայք:

Գծապատկեր 1.- Աշխատանքային արտագնացների տարիքային կազմը (%)⁴⁶



«Որո՛նք են արտագնայ աշխատանքի մեկնելու հիմնական պատճառները» հարցին մասնակիցների գերակշռող մասը մատնանշել է աշխատանքի բացակայութեան կամ ցածր աշխատավարձի հիմնախնդիրը: Ըստ արդիւնքի՝ արտերկրում աշխատելու պատճառները պայմանաւորող կարեւոր գործօններից է նաեւ ընտանիքի համար լրացուցիչ ծախսերի կամ ներդրումների համար անհրաժեշտ գումարի ձեռքբերումը: Այդ մօտեցմամբ նրանք առաջնային են համարում ընտանիքի կենսապահովման գործառոյթը: Ընտանիքի տնտեսական ապահովման գործառոյթը

կարետոր ազդեցությամբ է ունեցել ոչ միայն նախախորհրդային եւ խորհրդային, այլեւ յետխորհրդային շրջանի աշխատանքային գաղթականների վարքագծի ձեւաւորման գործում: Այսպէս, յետխորհրդային շրջանի աշխատանքային գաղթականների 14.6%ը ծրագրել է դրսում գումար վաստակել տան կառուցման/գնման, 13.0%ը՝ ամուսնութեան/հարսանիքի եւ այլ արարողութիւնների, 5.9%ը՝ երկարատեւ օգտագործման ապրանքներ (ինքնաշարժ, կահույք են.) ձեռք բերելու համար:

Աղիւսակ 1.- Աշխատանքային գաղթի դրդապատճառները յետխորհրդային Հայաստանի գիտական եւ քաղաքային քնակչութեան շրջանում (%)			
Պատասխաններ	Գիւլ	Քաղաք	Միջին
Տեղում աշխատանքի բացակայութիւնը	30.7	32.8	31.7
Յամբ աշխատավարձը, որը չէր բաւականացնում բնականոն ապրելու համար	14.9	16.0	15.5
Գումար էր անհրաժեշտ տան կառուցման/գնման/վերանորոգման համար	17.0	12.3	14.6
Գումար էր անհրաժեշտ ամուսնութեան/հարսանիքի եւ այլ արարողութիւնների համար	16.6	9.5	13.0
Մասնագիտութեամբ աշխատատեղերի բացակայութիւնը	6.4	10.7	8.6
Գումար էր անհրաժեշտ երկարատեւ օգտագործման իրեր ձեռք բերելու համար/ինքնաշարժ, կահույք են.	4.0	7.8	5.9
Իրական կանաչաշտապանութիւնը	2.7	3.1	2.9
Գործարարութեամբ զբաղուելու համար պայմանների բացակայութիւնը	3.1	2.0	2.6
Հայաստանի զարգացման հեռանկարների բացակայութիւնը	2.3	2.8	2.6
Գումար էր անհրաժեշտ արտադրութեան միջոցներ ձեռք բերելու համար	1.6	2.6	2.1
Այլ	0.7	0.4	0.5
Ընդ.	100.0	100.0	100.0

Հետազօտութիւնից պարզուեց, որ ՀՀ-ից հայ արտագնացների 94.1%ը աշխատանքի է մեկնել Ռուսաստանի Դաշնութիւն, եւ գաղթականի համար այն դեռեւս համարում է ամենագրաւիչ երկիրը (աղիւսակ 2): Համեմատութեան համար նշենք, որ, ըստ ՀՀ Ազգային Վիճակագրական Կոմիտէի տուեալների, 2018ի դրոյթեամբ գաղթականների 89.9%ը աշխատելու նպատակով գտնուել է ՌԴ-ում⁴⁷: Բոլոր նախորդ հետազօտութիւնները նոյնպէս վկայում են, որ ՌԴ-ն միշտ էլ եղել է ՀՀ-ից աշխատանքային գաղթի հիմնական ուղղութիւնը⁴⁸:

ՌԴ մեկնելու կարետոր խթան են նաեւ այդ երկրի մասին համեմատաբար բարձր տեղեկացուածութիւնը, վիզային պահանջների


բացակայությունը, լեզուական արգելքների յարթահարումը: Մեր կարծիքով, այդ գործընթացին նպաստում է նաև ՌԴ-ում մեծաթիվ հայկական համայնքի առկայությունը, որը, ըստ ՌԴ 2010ի պաշտոնական մարդահամարի տուեալների, կազմել է 1,182,338 մարդ⁴⁹, իսկ ոչ-պաշտոնական տուեալների համաձայն՝ գրեթե երկու անգամ անելի:

Երկրները	Հայեր	Հայաստանաբնակ ազգային փոքրամասնություններ
ՌԴ	94.1	67.4
Ուկրաինա	1.6	5.3
Ղազախստան	1.7	3.3
ԱՊՀ այլ երկրներ	0.3	1.0
Արեւմտեան Եվրոպա	2.0	22.0
Այլ երկրներ	0.3	1.0
Ընդամենը	100.0	100.0

Վիճակագրական տուեալների վերլուծությունից պարզուց, որ ՀՀ-ից ՌԴ աշխատանքային գաղթի այդպիսի մեծ չափերը պայմանաւորուած են նաև աշխատաշուկայում ազատ աշխատատեղերի առկայութեամբ: Նշենք նաև, որ 1990ականներից յետոյ ընդլայնուել են արտագնացութեան մեկնողների աշխարհագրական սահմանները: Այսպէս, բացի ԱՊՀ-ից, նրանց 2.0%ը աշխատանքի է մեկնել Լեհաստան, Հոլանդիա, Բելգիա, Իսպանիա, ԱՄՆ, Գերմանիա, Յունաստան, Ֆրանսիա (աղիսակ 2): Աշխատանք գտնելու նպատակով երկար ժամանակով կամ տարուայ մի մասը գտնուելով հանրապետությունից դուրս՝ ընտանիքներից հեռու, դրա հետեանքով այդ ընտանիքները կիսում են, որը առաջ է բերում ընկերահոգեբանական մի շարք լուրջ խնդիրներ:

Ըստ գծապատկեր 2ի տուեալների՝ հարցուածների 89.4%ը համաձայն է այն կարծիքին, որ արտագնայ աշխատանքի հետեանքով այդ ընտանիքներում տուժում են ամուսին-կին յարաբերութիւնները, 87.7%ը՝ անելանում է ամուսնալուծուողների թիւը, 87.2%ը՝ տուժում է երեխաների դաստիարակութեան գործը, 72.4%ը՝ տուժում են արտագնայ աշխատանքի մեկնողի բարոյական արժաէքները (գծապատկեր 2): Մեր կողմից տրուած «Ըստ Ձեզ, որո՞նք են ամուսնալուծութիւնների պատճառները» հարցին գաղթական ունեցող ընտանիքների 5.6%ը, որպէս պատճառ՝ համարել է արտագնայ աշխատանքը: Գաղթական չունեցող ընտանիքներում այն կազմել է անելի ցածր տոկոս (3.9%) (աղիսակ 3): Համեմատութեան համար նշենք, որ, ըստ ՀՀ ԱՎԿԻ, 2017ի տուեալների 1000 բնակչի հաշուով ՀՀ-ում ամուսնալուծութիւնները կազմել են 1.3%⁵⁰: Ամուսնալուծութիւնների միա պատճառների մասին կարծիքները գաղթական ունեցող եւ չունեցող ընտանիքներում ներկայացուած է աղիսակ 3ում:

Գծապատկեր 2.- Արտագնայ աշխատանքի բացասական ազդեցության մասին դիրքորոշումները



Հետազոտութիւնը ցոյց տուեց, որ արտագնայ ունեցող ընտանիքների ծեաւորման կենսափոյերը, ի տարբերութիւն չունեցողների, ունեն որոշակի առանձնայատկութիւններ, որն էլ դառնում է ամուսնալուծութեան կարեւոր պատճառներից մէկը: Արտագնացութեամբ պայմանաւորուած ընտանիքի կենսափոյերի բնականոն յաջորդականութիւնը, այն է՝ միջանունական շրջան կամ ծանօթութիւն, ամուսնութիւն եւ զոյգերի փոխադարձ յարմարեցում, երեխաների ծնունդ, դաստիարակութիւն եւ նրանց նախապատրաստում ինքնուրոյն կեանքին, ամուսնալուծութիւն կամ ամուսնութեան դադարեցում⁵¹, նրանց մօտ խախտում է: Այդ փոյերից իւրաքանչիւրն իր տեւողութեամբ եւ բովանդակութեամբ ընտանիքի ամրութեան տեսանկիւնից առանձնանում է աշխատանքային զաղթականների շրջանում: Աղիւսակ 4ում բերուած տուեալներից կարող ենք եզրակացնել, որ 18-29 տարեկան երիտասարդ զաղթականների 14.3%ը կնոց/ամուսնու հետ միւնչեւ ամուսնութիւնը ծանօթ չի եղել կամ ծանօթ է եղել ընդամենը մէկ շաբաթ, եւ այդ ցուցանիշը մօտ երկուսուկէս անգամ աւելի է՝ չզգաղթած երիտասարդների համեմատութեամբ (6,3%):

Մինչամուսնական շրջանի կարճատեւութիւնը յանգեցնում է նրան, որ զուգընկերները միմեանց մասին ունենում են անբաւարար տեղեկատուութիւն, սահմանափակ զգացական շփումներ, միմեանց լա չեն ճանաչում եւ հասկանում: Զուգընկերոջ հետ կարճատեւ ծանօթ լինելու բացը արտագնացների շրջանում լրացում է միջնորդութեամբ ամուսնանալու երեւոյթով: Այդ հանգամանքը տարածուած է ինչպէս ՀՀում

բնակուող եւ պարբերաբար արտագնայ աշխատանքի մեկնող, այնպէս էլ դրա հետեւանքով ՌԴում բնակութիւն հաստատած երիտասարդների շրջանում: Հետազօտութեան արդիւնքներով՝ նման ընտանիքներում յետագայում երբեմն գրանցուել են նաեւ ամուսնալուծութիւններ: Որպէս ամուսնալուծութեան պատճառ՝ հարցուողները նման ընտանիքների համար յաճախ նշում էին «կոնֆլիկտները եւ միմեանց չհասկանալու», «նոր միջավայրին աղջկայ ջարմարուելու», «աղջկայ եւ տղայի միջեւ տարիքային մեծ տարբերութեան», «Ռուսաստանում տղայի ամուսնալուծուած լինելու» հանգամանքները: Արտագնացների շրջանում տարածուած են նաեւ կարծական կապի միջոցով ծանօթութիւնները⁵²:

Ինչպէս բոլոր, այնպէս էլ աշխատանքային արտագնացների ընտանիքներում կարեւոր իրադարձութիւն է ընտանիքի սկզբնատրումը: Դրանով փոխուում է նրանց ընկերային կարգավիճակը: Արտագնացները ձեռք են բերում ամուսնու, ծնողի նոր կարգավիճակ եւ ինքնաբերաբար պէտք է կատարեն համապատասխան դերեր: Ամուսնութիւնից անմիջապէս յետոյ նրանք հանրապետութիւնից մեկնում են արտագնայ աշխատանքի, որի հետեւանքով նրանց ներընտանեկան ամուսնական (ամուսին եւ կին), ծնողական (հայր եւ մայր) եւ երեխաների դաստիարակութեան եւ ընկերային զարգացման հետ կապուած դերերը խաթարուում են:


Ըստ գծապատկեր 3ի տուեալների՝ արտագնացների 11.6%ը աշխատանքային գաղթի է մեկնել ամուսնանալուց 1-2 ամիս, իսկ 9.1%ը՝ 3-6 ամիս յետոյ: Անշուշտ, ամուսնութիւնից յետոյ այդպիսի կարճ ժամկէտերում ընտանիքից ամուսնու բացակայութիւնը խաթարում է ամուսինների համատեղ կեանքի կշռոյթը, զուգընկերօրը եւ ընտանեկան կեանքին յարմարուելու կարողութիւնները եւ հմտութիւնները: Խորացուած հարցազրոյցի ընթացքում արտագնացները կամ նրանց ընտանիքի անդամները պատմել են բազմաթիւ դէպքեր, երբ արտագնան նշանուած կամ ամուսնութիւնից միքանի օր յետոյ, կամ յղի կնոջը թողած մեկնել է արտագնայ աշխատանքի: Սա երբեմն ներընտանեկան յարաբերութիւններում վէճերի պատճառ է դառնում:

Ինչպէս բոլոր, այնպէս էլ արտագնացների ընտանիքներում ամենալարուած եւ յագեցած շրջանը համարում է երեխայի ծնունդը: Կենսական այս փուլերի ժամանակ տեղի են ունենում ընտանիքի անդամների դերերի զգալի փոփոխութիւններ, որոշ դերեր վերանում են, առաջանում են նոր դերեր: Սակայն հետազօտութեան արդիւնքները ցոյց են տալիս, որ պարբերաբար բացակայութեան հետեւանքով գաղթականներն աւելի քիչ դերակատարում են ունենում երեխաների ընկերային զարգացման գործընթացներում:

Աղիւսակ 3.- Ամուսնալուծութիւնների պատճառները (%)		
Պատճառները	Արտագնայ	Արտագնայ


	ունեցող ընտանիք	չունեցող ընտանիք
Նախասիրությունների տարբերությունը	21,4	29,8
Վատ բնառությունը	28,6	22,9
Ֆինանսական պայմանները, գործազրկությունը	46,0	53,9
Անուշադրությունն ընտանիքի նկատմամբ	7,1	10,1
Բնակարանային, կենցաղային պայմանները	5,6	9,7
Երեխայ չունենալը	19,8	17,1
Խանդը	20,6	16,3
Միտք, յարգանքի բացակայությունը	20,6	20,9
Ամուսնու անհաստատությունը	39,7	39,1
Կնոջ անհաստատությունը	41,3	38,8
Մեռական կեանքում ամուսինների անհամատեղելիությունը	0,8	4,7
Ամուսնու ծնողների միջամտությունը զոյգերի կեանքին	2,4	8,1
Կնոջ ծնողների միջամտությունը զոյգերի կեանքին	2,4	7,4
Արտագնայ աշխատանքը	5,6	3,9
Ակտիվի չարաշահումը	10,3	12,8
Կնոջ անհնազանդությունը	1,6	1,6
Հիանդությունը	2,4	1,2
Իրար չզիջելը, իրար չհասկանալը, անհանդուրժողությունը, համբերատար չլինելը	2,4	6,2
Ամուսնու բռնությունը	0,8	6,2
Այլ պատասխան	2,4	9,3
Դժուարանում է պատասխանել	2,4	1,2

Գծապատկեր 3.- Ամուսնանալուց ինչքա՞ն ժամանակ յետո է մեկնել արտագնայ աշխատանքի (%)



Աղիասկ 4.- Արտաբնացների և չարտագնացների ծանօթութան ժամկետերը կնոց/ամուսնու հետ մինչեւ ամուսնութիւնը (%)							
Վերջին 5 տու. արտագնացութիւն	Տարիք	Որքա՞ն ժամանակ էր ծանօթ եղել/հանդիպել Ձեր կնոց/ամուսնու հետ մինչեւ ամուսնութիւնը					
		Ծանօթ չեմ եղել կամ ընդամենը 1 շաբաթ	1 շաբաթից 1 ամիս	2-6 ամիս	7-12 ամիս	1-3 տարի	4 տ. եւ անելի
		14,3	0,0	0,0	0,0	37,5	0,0
	30-49	28,6	60,0	83,3	75,0	37,5	40,0
	50 եւ բարձր	57,1	40,0	16,7	25,0	25,0	60,0
	Ընդ.	100,0	100,0	100,0	100,0	100,0	100,0
Երբեք չի մեկնել	18-29	6,3	25,8	9,1	8,7	14,3	0,0
	30-49	32,8	25,8	53,0	34,8	36,5	38,7
	50 եւ բարձր	60,9	48,4	37,9	56,5	49,2	61,3
	Ընդ.	100,0	100,0	100,0	100,0	100,0	100,0

Գծապատկեր 4.- Աշխատանքային արտագնացի գտնուելու վայրը երեխայի ծնուելու, դպրոցը աարտելու, նշանուելու, ամուսնանալու ժամանակ (%)



Ըստ գծապատկեր 4ի՝ առաջին կամ երկրորդ երեխայի ծննդեան ընթացքում պանդուխտների համապատասխանաբար 7,9%ը եղել է արտագնաց աշխատանքի վայրում՝ բացակայելով ընտանիքի համար նման կարեւոր իրադարձութիւնից: Տեղում չլինելու պատճառով նոյնպիսի պանդուխտներ էլ ականատես չեն եղել երեխաների դպրոցի աարտական արարողութիւններին, որը եւս նշանակալից փոյ է:

Պանդուխտների 2,4%ը չի մասնակցել նաեւ զաւակների նշանադրութեանը, իսկ 1,2%ը՝ ամուսնութեանը: Ընտանիքում տեղի ունեցած կարեւոր այդ հարցերն ընտանիքի անդամները յաճախ «սկայպի» կամ հեռախօսի միջոցով խորհրդակցել եւ համաձայնեցրել են պանդխտի հետ: Այս դէպքում հայրը, ճիշտ է, տնտեսապէս պահովույն եւ հոգում է ընտանիքի անդամների նիւթական խնդիրները, սակայն նշուած ցուցանիշերը փաստում են, որ ներընտանեկան յարաբերութիւններում նրանք չեն կարողանում կատարել մի շարք այլ կարեւոր դերեր եւ պարտականութիւններ: Երեխաների հասունութեան կենսափուլում պանդուխտների մի մասը, լինելով ընտանիքից հեռու՝ արտագնայ աշխատանքի վայրում, նրանց երբեմն տարիներ շարունակ չի տեսնում. «*Մենք գիտում ունենք մարդիկ, որոնք երեխաները ծնունդ են այսօրէր, բայց նրանք արտագնացութեան պարճառով փարհներով իրենց երեխաներին, թոռներին չեն տեսեր*» (Կին, 50 տ., գ. Ազատան)⁵³:

Այսպիսով, արտագնայ աշխատանքի մօտ ընտանիքի ձեւաւորման կենսափուլերի առանձնայատկութիւնները որոշ ընտանիքներում վերածուում է ամուսնալուծութիւնների տարածման կարեւոր գործօնի: Հետազօտութեան արդիւնքներով նրանց մօտ տարածուած են ամուսնալուծութեան միջանի ձեւեր.-

Ա) ամուսնալուծութիւններ, որոնք իրաական ձեւակերպում են ստացել եւ վաւերացուել Քաղաքացիական Ծառայութեան ակտերի գրանցման բաժիններում: Ելնելով տնտեսական գործօնից եւ հասարակական կարծիքի ազդեցութիւնից՝ կանայք հիմնականում չեն դիմում ապահարգանի: Հասարակական գիտակցութեան հարթակում տղամարդկանց այդպիսի վարքագիծը կարծես համարում է թոյլատրելի: Մինչդեռ ամուսնու բացակայութեան ժամանակ կնոջ նման վարքագծի դէպքում տղամարդն անմիջականօրէն նախաձեռնում է ամուսնալուծութեան գործընթաց, կամ լքում ընտանիքը: Բացի դրանից, որոշ արտագնայ ընտանիքներում, երբ տղամարդը լքում է, հարսները երեխաների հետ շարունակում են ապրել սկեստրի եւ սկեսրայրի հետ. «*Մեր գիտում կան ընտանիքներ, որոնք այնքան էլ համերաշխ չեն, կամ ամուսինը նոր ընտանիք է կազմել ՌԴում, հարսները չեն բաժանուում եւ շարունակում են մնալ սկեստրի, սկեսրոջ հետ, քանի որ նրանք գնալու փող չունեն, ընդունուած չէ, որ վերադառնան հայրական փուն: Բացի դրանից, աշխատանք չունեն, որ երեխաներին կարողանան պահել, ծնողները ոնց ասում են, այդպէս էլ անում են*» (Կին, 60 տ., գ. Ազատան)⁵⁴:

Բ) ձեւական ամուսնալուծութիւններ, որոնք կրում են զուտ փաստաթղթային բնոյթ. ընտանիքի անդամների համաձայնութեամբ պանդուխտը ՀՀ-ում ձեւակերպում է կեղծ ամուսնալուծութիւն, իսկ ՌԴ-ում կեղծ ամուսնութիւն՝ այնտեղ դիւրացուած կարգով գրանցում կամ քաղաքացիութիւն ստանալու նպատակով: Այսպէս, քաղաքացիական

կացության ակտերի գրանցման հջեանի բաժնի վարիչ Ռ. Կարապետեանի տուեալներով՝ 2011ին գրանցուել է 26 ամուսնալուծութիւն, որի մէկ-երրորդը՝ պանդխտութեան պատճառով: Հետագոտութեան արդիւնքներով՝ այդ բաժանութիւնների զգալի մասը նաեւ զուտ «փաստաթղթային ձեակերպումների» արդիւնք է. այստեղ ճանաչում են երեխայի հայրութիւնը, իսկ ՌԴում ձեակերպում են կեղծ ամուսնութիւն՝ դիւրին կարգավիճակ ստանալու համար: Ըստ Կարապետեանի դիտարկումների՝ միայն 2012 Յունիսի տուեալներով «կար 12 դիմում ամուսնալուծութեան համար, բայց 3 դէպք է, որ համապարասխանում է իրականութեանը: Մնացածը փաստաթղթային է, քանի որ ՌԴում ուզում են կարգավիճակ ձեռք բերել» (կին, 41 տ., հջեան)⁵⁵:

Գ) իրաական ձեակերպում չստացած, սակայն փաստացի ամուսնալուծուած կամ տղամարդու կողմից լքուած ընտանիքներ, որոնք պանդխտութեան հետեանքով վերջին տարիներին լայն տարածում են ստացել ՀՀ տարբեր մարզերում: Այդ ընտանիքներում սահմանափակ են պանդխտի շփումներն ընտանիքի անդամների հետ, պանդխտը դադարում է էական դեր կատարել երեխաների ընկերային զարգացման, կենսավործի փոխանակման եւ դաստիարակութեան, ընկերային պաշտպանուածութեան եւ այլ կարեւոր գործառոյթներում: Պանդխտն ընտանիքին երբեմն ցուցաբերում է զուտ դրամական աջակցութիւն, յատկապէս երբ առկայ են երեխաներ⁵⁶:

Ամուսնալուծութեան փաստի նկատմամբ պանդխտների ընտանիքների վերաբերմունքը միանշանակ չէ: Նրանց 63.5%ը դէմ է արտայայտուել, յատկապէս եթէ ընտանիքում կան երեխաներ: Միայն 27.8%ն է, որ ամուսնալուծութիւնը համարել է ընդունելի, երբ զոյգերը երջանիկ չեն, եւ անգամ ընտանիքում երեխաներ կան⁵⁷:

Այսպիսով, պանդխտութիւնը թէ՛ նախախորհրդային, թէ՛ խորհրդային եւ թէ՛ յետխորհրդային փուլում իր ազդեցութիւնն է թողել ներընտանեկան եւ թողնում է յարաբերութիւնների վրայ՝ դառնալով ՀՀում անկայուն եւ ամուսնալուծուած ընտանիքների տարածման կարեւոր պատճառ: Մեր օրերում արտագնայ աշխատանքի հետեանքով ամուսնու երկարատեւ քացակայութիւնը նրանց մօտ խախտում է ընտանիքի կենսափուլերի բնականոն յաջորդականութիւնը, այն է՝ զոյգերի փոխադարձ յարմարեցումը, սահմանափակում է նրա դերը երեխաների ընկերային զարգացման, դաստիարակութեան գործում՝ առաջ բերելով մի շարք բարոյահոգեբանական խնդիրներ:

ԾԱՆՕԹԱԳՐՈՒԹԻՒՆՆԵՐ

¹ «Արտագնացութիւն» նշանակում է ուրիշ տեղ գնացող, իր մշտական վայրից այլ տեղ մեկնող, այլ տեղում աշխատանք կատարող, աշխատելու նպատակով

- տեղից տեղ գնացող (էդ. Աղայեան, *Արդի Հայերէնի Բացադրական Բառարան*, «Հայաստան» Հրատ., Երեւան, 1976, էջ 1178):
- ² Նախախորհրդային շրջանի մամուլում եւ գրականութիւնում այդ անձանց նկատմամբ օգտագործում էր «պանդուխտ» եզրոյթը, իսկ գործընթացն անուանում էին պանդխտութիւն՝ վտարանդի, օտարական, գաղթական, հայրենի երկրից հեռացած եւ օտար երկրում/ներում ապրող իմաստով: Օտար երկրում հարազատ ունեցող մարդկանց անուանում էին պանդխտատէր (Աղայեան, էջ 1178):
- ³ Միրայէլ Նալբանդեան, *Երկեր*, Հտր. 4, ՀՍՍՀ ԳԱ Հրատ., Երեւան, 1983, էջ 64:
- ⁴ *Обзор Эриванской Губернии за 1908г.* (Երեւանի նահանգը 1908ին), Երեւան, 1909, էջ 8. Յանէ՛ Ա. Համբարեան, «Արեւելեան Հայաստանի Գիտլացիութեան Արտագնացութեան Մասին», *Լրագրեր Հասարակական Գիտութիւնների*, 1985:8, էջ 26:
- ⁵ Ա. Յովհաննիսեան, *Նալբանդեանը եւ Նրա Ժամանակը*, Հտր. 1, Երեւան, Հայպետհրատ, 1955, էջ 229-30:
- ⁶ ՀՍՍՀ ԳԱ Գրականութեան եւ Արուեստի Ինստիտուտի Թ. Ազատեանի արխիւ, գ. 40, թ. 6, գ. 57, թ. 87, գ. 59, թ. 7:
- ⁷ Բաֆֆի, *Տաճկահայր*, «Մխիթարեանների տպարան», Վիեննա, 1913, էջ 81:
- ⁸ «Նամակ Կ. Պօլսից, Պանդխտութեան Հոսանքը», *Արծազանք*, 1887:18, էջ 269:
- ⁹ Ե. Լալայեան, «Վասպուրական, Վան, Տոսպ եւ Հայոց-Ձոր», *Ազգագրական Հանդէս*, էլեկտրաշարժ տպ. Ն. Աղանեանի, Թիֆլիս, 1910, N 2, գիրք 20, էջ 118-9:
- ¹⁰ «Հայաստանցիների Գաղթականութիւն եւ Պանդխտութիւն», *Մշակ*, 1877:61:
- ¹¹ Ն. Քարամեան, «Ծալկա. Երեք Օր Գաղթական Հայ Գիտլացիների Շրջանում», *Արծազանք*, 1894:89:
- ¹² Նոյն, N 90:
- ¹³ *Հայ Ժողովրդական Պանդխտութեան Երգեր*, կազմ., ներած. եւ ծանօթ.՝ Մ. Մկրտչեան, Երեւան, ՀՍՍՌ ԳԱ Հրատ., 1961, էջ 15-16:
- ¹⁴ Նոյն, էջ 13:
- ¹⁵ Ե. Լալայեան, «Բորչալուի Գաւառ», *Ազգագրական Հանդէս*, Արագատիպ Մ. Մարտիրոսեանցի, Թիֆլիս, 1903, գիրք X. ութերորդ տարի, էջ 66:
- ¹⁶ *Հայ Ժողովրդական Պանդխտութեան Երգեր*, էջ 67:
- ¹⁷ «Ազգագրական Նիւթեր Յ. Մուրեաղյանցի. Հանշէնցի Հայերը», *Ազգագրական Հանդէս*, Գիրք Ե, N 1, 1899, էջ 377:
- ¹⁸ Ա. Յակոբեանց, «Պանդխտութիւնը Գանձակի Գաւառում», *Մշակ*, Թիֆլիս, 1899:119:
- ¹⁹ «Նամակ Հին Գաւառից Նախցեանի», *Մշակ*, Թիֆլիս, 1900:45:
- ²⁰ Նալբանդեան, էջ 65:
- ²¹ Նոյն:
- ²² Գ. Արուանձտեանց, «Մշեցի Հայոց Նոր Տարին», *Երկեր*, Հտր. 2, ՀՍՍՀ ԳԱ Հրատ., Երեւան, 1982, էջ 89:
- ²³ Ե. Լալայեան, «Կարանդա», *Ազգագրական Հանդէս*, Գիրք Բ, էջ 164-65:
- ²⁴ Նոյն:
- ²⁵ Ե. Լալայեան, *Բորչալուի Գաւառ*, Գիրք Բ, տպարան Մ. Դ. Ռօտինեանցի, Թիֆլիս, 1897, էջ 126:

- ²⁶ Ե. Լալայան, «Ջալախթ», Գիրք Ա, Ազգագրական Հանդես, տպարան Ա. Մահտեսի Յակոբեանց, Շուշի, 1895, էջ 174:
- ²⁷ Ե. Լալայան, «Բուպանդխ Կամ Հարք Գաառ», Ազգագրական Հանդես, N 1, Գիրք Ե, տպարան Մ. Դ. Ռոսինեանցի, Թիֆլիս, 1899, էջ 149:
- ²⁸ Ժողովրդի շրջանում յաճախ օգտագործում է «արտագնացությունը» (Աղայան, էջ 1178): Գեղարքունիքում եւ Շիրակում այդ գործընթացի մասնակիցներին անուանում են *խուպանչիներ*, իսկ Տաուշում՝ *խուպանխուր*: Այդ եզրույթի ծագում-նաբանությունը կապուած է Հայրենական մեծ պատերազմից յետոյ՝ 1950-60-ականներին, Ղազախստանում, Սիբիրում, Պոլոժիէում, Ուրալում եւ նախկին ԽՍՀՄ տարբեր շրջաններում խուպան, անմշակ հողերի իւրացման հետ, որի վերաբերեալ 1954ին ՍՄԿԿ ԿԿ նստաշրջանը ընդունել է որոշում: Այն ոուսերէն ցелина բառի թարգմանությունն է (<http://www.agrotrek.ua/osvoenie-tselini.html> (ընթերցուել է 06.04.2016ին)) Խորհրդային եւ յետխորհրդային շրջանի համար կ'օգտագործուեն աշխատանքային տեղաշարժեր եւ արտագնացութիւն եզրույթները, որոնք ունեն նոյն բովանդակութիւնը:
- ²⁹ Հայկական ՍՍՀ Հոկտեմբերեան Յեղափոխութեան եւ Սոցիալիստական Շինարարութեան Պատ. Կենտ. Արխիւ (ՀՀՍՀ ՊԿԱ), ֆ. 123, գ. 42, գ. 38, թ. 14:
- ³⁰ *Խորհրդային Հայաստան: Հինգ Տարի (1920-1925)*, Երեւան, ՀԽՍՀ կենտրոնական եւ ժողովմայրի 1926, էջ 112:
- ³¹ «Проблемы генерального плана Армении», *Экономический Вестник ССР Армении*, («Հայաստանի գլխաւոր նախագծի հիմնախնդիրները», Հայկական ԽՍՀ-ի տնտեսական լրագրեր), 1927:1, էջ 14-15:
- ³² Ю.В. Арутюнян, Коллективизация сельского хозяйства и высвобождение рабочей силы для промышленности/ Формирование и развитие Советского рабочего класса (1917-1961) (ԵՄ. Վ. Յարութիւնեան, Գիտատնտեսութեան կոնկրետացումը եւ բանտորական ուժի ազատելը արդիւնաբերութեան համար/Խորհրդային բանտոր դասակարգի ծնաւորումը եւ զարգացումը (1917-1961), Մոսկուա, 1964, էջ 108:
- ³³ «Об Отходничестве ... Постановления Центрального Исполнительного Комитета и Совета Народных Комиссаров от 30 июня 1931г.,» *Собр. Законов и Распоряжений Рабоче-Крестьянского Правительства СССР*, («Արտագնացութեան մասին... Կենտրոնական Գործադիր Կոմիտէի եւ Ժողովրդական Կոմիսարների Խորհրդի 1931 թ. Յունիսի 30ի որոշումը», *Օրէնքների ժողովածու եւ ԽՍՀՄ բանտոր-գիղացիական կառավարութեան հրամանագիրը, մաս 1*), отд. 1, 1931, N42, էջ 286:
- ³⁴ Арутюнян, էջ 110:
- ³⁵ *Խուպան Ու Խամ Հողերի Իւրացման Հաշուին 1954-55ին Հացահատիկի Արտադրութիւն Անբացնելու Մասին*, Երեւան, Հայպետհրատ, 1954, էջ 24:
- ³⁶ «Об Упорядочении Отходничества Колхозов на Сезонные Работы. Постановление Совета Министров СССР от 19 июня 1973г, N421,» *Собрание Постановлений Правительства СССР 1973, N15*, («Արտագնացութեան համակարգումը կոլտնտեսութիւններում եղանակային աշխատանքների ընթացքում. ԽՍՀՄ նախարարների Խորհրդի 1973 թ. Յունիսի 19ի N421 որոշումը», ԽՍՀՄ կառավարութեան 1973, N15 որոշումների ժողովածու, էջ 84):

- ³⁷ «О полноте учета миграции населения Армянской ССР в 1983 г» («Հայկական ԽՍՀ բնակչության 1983 թ. գաղթի լիարժեքության մասին»), Հայկական ՍՍՀ Կենտրոնական Կիճակագրական Կարչություն, 19.01.1984, N 12-11-1:
- ³⁸ Մ. Գալստեան, Դաշտային ազգագրական նիւթեր (ԴԱՆ), Մարտունու շրջան, 1987: Այս եւ յօդուածում եւշած մեր ազգագրական նիւթերը գտնուում են ՀՀ ԳԱԱ Հնագիտութեան եւ Ազգագրութեան Հիմնարկի Էթնօսոցիոլոգիայի արխիւում:
- ³⁹ Նոյն:
- ⁴⁰ Մ. Գալստեան, ԴԱՆ, Կամոյի շրջան, գ. Սարովան, 1988:
- ⁴¹ Մ. Գալստեան, ԴԱՆ, Գեղարցունիքի մարզ, 2005:
- ⁴² Մ. Գալստեան, ԴԱՆ, Արթիկի շրջան, գ. Ազատան, 1989:
- ⁴³ М.А. Шабанова, “Сезонные Строители в Сибирском Селе,” *Известия АН СССР Сибирского Отделения, Серия Экономика и Прикладное Социологию* (Մ. Շաբանովա, ժամանակատու շինարարները սիբիրեան գիւղերում, ԽՍՀՄ ԳԱ սիբիրեան բաժանմունք, տնտեսութիւն եւ կիրառական ընկերաբանութեան) պրակ N 7, թողարկում 2, 1986, էջ 49-51:
- ⁴⁴ Մ. Գալստեան, Արտագնացութիւնը Հայաստանում (XIX Դարի երկրորդ Կէս-XX Դարի 80ական Թուականներ), ՀՀ ԳԱԱ «Գիտութիւն» Հրատ., Երեւան, 2008, էջ 71:
- ⁴⁵ Տե՛ս՝ «Ասիմանահատումների Թիւր Ըստ Փոխադրամիջոցների 2015թ եւ 2016թ.», http://www.smsmta.am/?menu_id=19 (ընթերցումը է 03.12.2019ին):
- ⁴⁶ Էթնօսոցիոլոգիական հարցախոցը կատարուել է 2016-17ին Երեւան քաղաքում եւ Շիրակի, Լոռու, Գեղարքունիքի, Սիւնիքի, Արմավիրի, Արագածոտնի մարզերի վեց քաղաքային եւ քսան գիւղական բնակավայրերի 384 ընտանիքներում: Հինգ տարուայ կտրուածքով (2013-17) այդ ընտանիքներից 126ը (32.8%) ուէին պանդուխտներ: Այդ ընտանիքների 69.8%ից արտագնայ աշխատանքի էր մեկնել մէկ, 25.4%ից՝ երկու, 4%ից՝ երեք, 0.8%ից՝ չորս պանդուխտ (Մ. Գալստեան, Ռ. Օհանջանեան, Թ. Զաքարեան, Գ. Յակոբեան, *Արդի Հայ Ընկերայինը Փոխակերպող Հասարակութիւնում*, ՀՀ ԳԱԱ «Գիտութիւն» Հրատ., Երեւան, 2017):
- ⁴⁷ «Հայաստանի Սոցիալական Պատկերը եւ Աղքատութիւնը, 2019», <http://www.armstat.am/am/?nid=82&id=1718> (ընթերցումը է 15.07.16ին):
- ⁴⁸ Միգրացիան եւ Զարգացումը. Հայաստանում Առկա Իրավիճակի Ուսումնասիրութիւն, Աշխատանքի միջազգային կազմակերպութիւն, 2009, էջ 12-13: http://employment.am/up/attach/attach_arm10.pdf (ընթերցումը է 01.06.2020ին):
- ⁴⁹ Всероссийская перепись населения, Национальный состав населения 2010, http://www.gks.ru/free_doc/new_site/perepis2010/croc/perepis_itogi1612 (Բնակչութեան համախորհրդանկան մարդահամար, բնակչութեան ազգային կազմը 2010, http://www.gks.ru/free_doc/new_site/perepis2010/croc/perepis_itogi1612 (ընթերցումը է 12.02.16ին):
- ⁵⁰ «Հայաստանի Ժողովրդագրական Ժողովածու, 2018», https://www.armstat.am/file/article/demog_2018_6.pdf (ընթերցումը է 06.09.2019ին):
- ⁵¹ Ա. Կրպաչենկո, *Սոցիոլոգիա*, «Զանգակ-97» Հրատ., Երեւան, 2004, էջ 239-40:

⁵² Երբ արտերկրում գտնուող տղան կամ աղջիկը համացանցի միջոցով ծանօթանում են տեղի կամ Հայաստանի իրենց հայրենակիցների ու համագիտակցիների հետ, որոշ ժամանակ կարճական կապով ընկերություն անելուց յետո հանդիպում են եւ միմեանց հաւանելու պարագայում ամուսնանում:

⁵³ Մ. Գալստեան, ԴԱՆ, Շիրակի մարզ, 2007:

⁵⁴ Նոյն:

⁵⁵ Մ. Գալստեան, ԴԱՆ, Տատչի մարզ, 2011:

⁵⁶ Գալստեան, Օհանջանեան, Զաքարեան, Յակոբեան, էջ 224-25:

⁵⁷ Մ. Գալստեան, «Ամուսնալուծությունները Աշխատանքային Միգրանտների Շրջանում», Շիրակի Պարամանշակության ժառանգությունը. Հայագիտության Արդի Հիմնահարցերը» 10րդ Միջազգային Գիտաժողով, 27-29 Սեպտեմբերի 2019, ՀՀ ԳԱԱ «Գիտություն» Հրատ., Գիմրի, էջ 249-51:

MIGRATION ISSUES IN ARMENIA (PAST AND PRESENT)

(Summary)

MIHRAN GALSTYAN

akoonk@yahoo.com

The article discusses the impact of late 19th century, Soviet and post-Soviet emigration on Armenian families. It is based on archival materials, press coverage and analyses, and statistical data as well as ethnographic field work conducted by the author.

The author notes that during the second half of the 19th century emigrants of Western Armenia left mainly for Constantinople, where their number reached up to 50-60,000. On the other hand emigrants of Eastern Armenia left mainly for the major industrial centers of Transcaucasia and Russia like Baku, Tiflis, Elizavetpol, etc. The author argues that emigration had a negative socio-psychological impact on families and family relationships and cites Yervant Lalayan's claim that it contributed to the collapse of the patriarchal family and the formation of small families.

Soviet rule in Armenia brought huge changes to human socioeconomic and political relations and marked a shift in the nature, content, forms, direction and consequences of labor migration on family relations and family construct. Out of a total population of 3,218,400 an estimated 24,931 migrant workers had left Soviet Armenia in 1983.

In the post-Soviet period massive emigration took place from the Republic of Armenia and reached 40-50,000 annually. In his analysis, the author assesses emigration as a disruptor of the normal life cycle and sequence of family life, a hindrance to spouses' reciprocal adaptation, and a source of the development of family conflicts and divorce, due to a short, insufficient pre-marital acquaintance period, absence of the father figure from the newly formed family immediately after marriage, living apart immediately after the birth of the first/second child and the decrease of the father's role in socializing and educating the children, leading to a number of socio-psychological problems within the family.

The author concludes that during both pre-Soviet, Soviet and post-Soviet times emigration had a significant impact on family relations and was a critical factor leading to the increase in the number of unstable families and divorces in Armenia.